

# 25 onns Uniun da caglioms Trin


SURSELVA

Gievgia, ils 17 da zercladur 2021

5

AUGUSTIN BEELI/FMR

L'uniun da caglioms da Trin ha retschiert niev slontsch. Il num official ei atgnamein «Uniun per la tgira dalla cuntrada e per la cultivaziun dalla pumera Trin». A Trin enconusch'ins quella culla scursanida «uniun da caglioms». Il president *Ivo Thaler* ed il responsabel per damondas dalla puma *Hampa Capatt*, e lu il cussegliader per damondas specificas dalla cuntrada, il selvicultur *Vincenzo Galati*, ein treis dallas persunas che dattan niev slontsch all'uniun en siu 25avel onn dapi la fundaziun. La cassiera *Vanessa Jörg-Coray* e l'actua *Sibylle Grieder* cumpleteschan la suprastonza. L'uniun ha era ina nova cumparsa mediala ed ina pagina d'internet frestga e surveseivla. Ella se presenta da niev culla scursanizium tudestga LOVT (Landschafts- und Obstbaumpflegeverein Trin). L'uniun havevan adherents dalla natira fundau ils 9 d'avrel 1996, els havevan saviu surprender la cassa dall'anteriura uniun per la



Frontispezi dalla brochura dall'Uniun per la tgira dalla cuntrada e pumera Trin.

FOTO AUGUSTIN BEELI

pumicultura da Trin. Finamira centrala eri stau da segirar persistentamein fauna e flora el territori urbanisau e nunurbanisau dalla vischnaunca Trin.

In grond promotur dall'uniun ei il selvicultur *Hitsch Malär* staus. El, ensemen culla squadra dalla scola e diversas famiglias, han entschiet ad organisar activitads sco excursiuns, referats ed informaziuns, per exempel dallas breigias culs coss e tier tematicas dil schurmetg dalla cuntrada. Era cuors da tagliar pumera, raccolta ed elaboraziun da puma, cultivar seivs vivas e reconstruir mirs schetgs ha s'udiu duront biars onns tier las activitads centralas. L'uniun s'auda mintg'onn era tiels stans pli fideivels ed attractivs dalla fiera da Trin dalla davosa sonda d'october.

En siu 25avel onn d'existenza dumbra l'uniun 36 persunas singulas, 39 famiglias, commembers collectivs ein l'Uniun da traffic da Trin ed il Project Uaul da muntogna. Dacuort ha la LOVT ediu en atgna reschia ina brochuretta tier la tema-

tica dallas neofitas infasivas. Igl ei plontas problematicas ella natira e cuntrada. Il stampat en fuorma da leporello cuntegna ina massa informaziuns e rispunda allas damondas pli virulentas entuorn las neofitas ch'ei dat sin territori da Trin. Ina pagina informescha per exempel ch'igl ei buca prudent da plantar en iert la siringia da stad. Quella caglia decorativa cul num latin «*Buddleja davidii*» freda bien e tra in massa tschittas en curtgins e parcs. Perquei han ins era importau ella oriundamein dalla China.

Ella sederasa denton ella natira e surpren surfatschas ruralas nua ch'ella scat-scha las caglias e plontas indigenas. Pervia da lur sederasar offensiv valan actualme in rodund 60 sorts sco neofitas invasivas. Nov da quella presentata la brochura e cussegliada 27 plontas e fluras alternativas.

Dapli informaziuns dall'Uniun per la tgira dalla cuntrada e pumera Trin survegnan ins dalla pagina d'internet [www.lovtrin.ch](http://www.lovtrin.ch)